

INFORMACIÓN QUE PODE CONSULTARSE NO PORTAL EDUCATIVO- FAMILIAS E ALUMNADO- ESCOLARIZACIÓN-INFANTIL, PRIMARIA, SECUNDARIA E BACHARELATO

ADMISIÓN-MATRÍCULA ALUMNADO 23/24

SOLICITUDES

- **Reserva de praza:** Alumnado que cambia de etapa (Educación Infantil a Educación Primaria, Educación Primaria a Educación Secundaria Obrigatoria,...) e desexa continuar estudos no **centro de adscrición**. Este alumnado *ten prioridade respecto do que non procede de centro adscrito*.

Solicitud: Formulario [ED550A](#)

- **Ordinaria:** Alumnado que se incorpora ao sistema educativo, cambia de centro e cando as solicitudes de reserva sexan superiores ás prazas dispoñibles

Solicitud: Formulario [ED550B](#)

- **Extraordinaria:** Escolarización unha vez iniciado o curso por traslado de domicilio, situacións derivadas de acoso escolar, violencia de xénero e outros supostos

Solicitud: Formulario [ED550C](#)

PRAZO E LUGARES DE PRESENTACIÓN

- **Reserva de praza:** do 15 de xaneiro ao 4 de febreiro de cada ano. A solicitude preferiblemente cubrirase na aplicación [admissionalumnado](#) e presentarse en Sede Electrónica ou, de forma presencial, no centro de orixe do alumnado
- **Admisión:** do 1 ao 20 de marzo de cada ano, ambos incluídos. A solicitude preferiblemente cubrirase na aplicación [admissionalumnado](#) e presentarse en Sede Electrónica ou, de forma presencial, no centro escollido en primeiro lugar

No caso da reserva ou da admisión, cando o último día do prazo sexa non lectivo prorrogarase ata o primeiro día lectivo inmediato seguinte. A solicitude poderá entregarse en calquera dos lugares e rexistros establecidos na normativa reguladora do procedemento administrativo común, empregando o formulario normalizado

- **Extraordinario:** aberto durante todo o curso académico, presentando nas dependencias das Xefaturas Territoriais ou nos centros educativos

DOCUMENTACIÓN

- Copia do DNI da persoa solicitantes e dos membros da unidade familiar (cando non autorice a súa consulta)
- Copia do libro de familia
- Documento acreditativo de estar en disposición de reunir os requisitos académicos exixidos en cada nivel educativo

DOCUMENTACIÓN CANDO A DEMANDA DE PRAZAS SEXA SUPERIOR Á OFERTA

Logo de determinar que o número de solicitudes é superior ao de prazas ofertadas, o centro abrirá un prazo de 10 días hábiles, contados a partir dos 2 días seguintes ao remate do prazo de presentación de solicitudes de admisión, para presentar, de forma presencial no centro, a documentación xustificativa dos criterios de baremo alegados.

Non obstante, só será necesario presentar a documentación relativa aos criterios de renda per cápita da unidade familiar, condición de familia numerosa e de discapacidade do alumnado, do/da proxenitor/a, do/da titor/a ou dos/das irmáns/ás recoñecida pola Xunta de Galicia, cando a persoa interesada denegue expresamente a consulta automática.

A presentación desta documentación ten carácter voluntario. A falta de presentación desta documentación impedirá valorar o criterio ou criterios para efectos de determinar a puntuación correspondente.

CRITERIOS DO BAREMO

Se o número de solicitudes é superior ao de prazas dispoñibles, aplicaranse os seguintes criterios:

- **Existencia de irmás ou irmáns matriculadas/os no centro:** 8 puntos polo primeiro/a e 2 puntos por cada unha/un dos restantes, co máximo de 14 puntos.
- **Proximidade do centro ao domicilio familiar ou ao lugar de traballo dos proxenitores ou titores:** ata 8 puntos
- **Renda anual per cápita da unidade familiar, respecto ao indicador público de renda de efectos múltiples (IPREM):** ata 3 puntos
- **Nai, pai, titora ou titor que traballe no centro:** 3 puntos
- **Condición de familia numerosa:** ata 3 puntos
- **No caso de irmáns nados dun parto múltiple, sempre que soliciten o mesmo centro:** 8 puntos se son dous; e 10 puntos se son máis de dous.
- **Condición de familia monoparental:** 2 puntos
- **Concurrencia de discapacidade na alumna ou alumno, ou en calquera dos seus proxenitores, titores, irmás ou irmáns:** ata 4 puntos
- **Por condición de vítima de violencia de xénero de calquera dos membros computables da unidade familiar:** 2 puntos
- **Por condición de vítima de terrorismo de calquera dos membros computables da unidade familiar:** 2 puntos
- **Expediente académico do alumnado, só no caso de ensinanzas de bacharelato:** ata 2 puntos
- **Criterio establecido por cada centro educativo, que deberá ser publicado coa suficiente antelación ao inicio do proceso de admisión:** 1 punto

ASIGNACIÓN DE PRAZAS

Asignaranse de conformidade coa puntuación acadada por cada alumna ou alumno, tendo en conta a orde de prioridade expresada na solicitude.

No caso de **empate** na puntuación final, resolverase atendendo á **maior puntuación en cada un dos criterios seguindo a mesma orde na que aparecen no apartado anterior**. De persistir o empate, este resolverase conforme ao resultado do sorteo público que realiza anualmente esta consellería

PUBLICACIÓN DAS PRAZAS

- **Provisional:** Cada centro publicará as listaxes provisionais de alumnado admitido e excluído para cada curso, por orde da puntuación total obtida, **antes do 25 de abril** de cada ano. O *prazo de reclamación de puntuacións é de 5 días hábiles* dende o seguinte á súa publicación
- **Definitiva:** Unha vez resoltas as reclamacións, os centros publicarán as listaxes definitivas antes do **15 de maio**

As persoas solicitantes que contan cun [certificado dixital ou chave365](#) poderán consultar as listaxes correspondentes á súa solicitude ou solicitudes a través da aplicación [admisionalumnado](#)

ADXUDICACIÓN SUBSIDIARIA

Cando a persoa solicitante non fose admitida no centro indicado en primeiro lugar na súa solicitude, será baremada de forma sucesiva para cada un dos centros solicitados nos que existan postos vacantes, seguindo a orde de preferencia manifestada na solicitude, para determinar a súa puntuación no centro concreto conforme os criterios de baremo

MATRÍCULA

O alumnado admitido formalizará a súa matrícula no centro educativo correspondente, nos seguintes prazos:

- **Educación infantil e primaria:** do 20 ao 30 de xuño
- **Educación Secundaria Obrigatoria e Bacharelato:** prazo ordinario do 23 de xuño ao 07 de xullo.

NORMATIVA

- [DECRETO 13/2022, do 3 de febreiro](#), polo que se regula a admisión de alumnado en centros docentes sostidos con fondos públicos que imparten as ensinanzas de segundo ciclo de educación infantil, de educación primaria, de educación secundaria obrigatoria e de bacharelato reguladas na Lei orgánica 2/2006, do 3 de maio, de educación.
- [ORDE do 21 de outubro de 2022](#) pola que se desenvolve o Decreto 13/2022, do 3 de febreiro, e se regula o procedemento de admisión do alumnado nos centros docentes sostidos con fondos públicos que imparten ensinanzas de segundo ciclo de educación infantil, de educación primaria, de educación secundaria obrigatoria e de bacharelato reguladas na Lei orgánica 2/2006, do 3 de maio, de educación (códigos de procedemento ED550A, ED550B e ED550C).